

近代中國史料叢刊續編第五十六輯
沈雲龍主編

民權素

蔣著超編

第十·十一集民國四年九·十月

文海出版社
有限公司
印行

蔣著超編

氏

木槿

素

(六)

民國四年九月—十月

文海出版社有限公司印行

民權素第十集

石楚



石楚

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



民權素第十集總目

名著

藝林

遊記

詩話

說海

談叢

諧藪

瀛聞

劇趣

碎玉

總目

名

著

周浩題

名著目錄

清故光祿大夫河南補用道魏公墓誌銘

譚繼洵

陰陽曆新舊七夕賦

柳橋

安亭新建震川書院記

望之

歸田瑣記序

書農

江陵地志問答序

魏羽

詹湘亭詩集跋

望之

與楊哲子書

汪鳳瀛

答沈去矜書

書農

與友人書

血俠

籌安亡國論

箸超

民 權 素 第 十 集

目
錄



名著

清故光祿大夫河南補用道魏公墓志銘

譚繼洵

皇帝紀元之十有七載。予駐節武昌。衡陽溫雲魏君之喪。自揚州泝江流而上。予方病足。莫往弔諸載輜之舟。其孤裕光赴告予。且請曰。某先君將以某年月日葬。某原枕某趾某之山。聲幽之文闕。不具。盡以思公。予兒子嗣襄君兒女姻也。夫焉辭。君名綸先。一名丹詔。溫雲字。魏氏先世自宋乾道時。由黔遷衡陽。故爲衡陽人。曾祖瓊。歲貢生。祖瀛。以拔貢中鄉舉。選授山東定陶知縣。遷福建淡水同知。歷署鹿港同知。皆有政績。父承樾。邑諸生。由軍功。洊保布政使銜。安徽候補道。戴孔雀翎。故君三世皆加級。以光祿大夫封。妣王太夫人和順儉勤。既生君。兄爽。勇巴圖魯。前署湖北糧儲道。安襄。郎荆兵備道。綱次則君。君生時。太夫人夢劉文定衣冠入室。因以文定名。名君。及長。勤敏無子弟。過謂君當以文學侍從起家。如文定矣。會粵難發。君父謝講席治軍。君由是出入兵塵間。同治甲子。太公奉檄防常昭。粵軍大集。急圍常熟。登陴才三四百人。君泣請曰。敵十數萬。我寡不敵。大人卽誓死守。不表裏夾擊。城且破矣。請絕城乞援。左右力阻之。卒偕季父出。得援圍解。遂復宜興。荆溪。嘉定。溧陽。嘉善等城。江蘇巡撫今直隸總督大學士合肥李公。上其功。議叙知縣。加同知銜。賞孔雀翎。是爲君發名之始。旋援例爲郎中。改道員。加三品銜。同治十年。天津大水。君出絮衣袴三萬具。俵結。災黎。李公持以入告。賞加布政使銜。十二年。中本省。癸酉科鄉舉。魁其一經。光緒元年。滇督劉公。巡撫潘公。檄襄辦騰越軍務有功。復檄辦開採銅鑛機器。悉如式。保

以道員發河南補用。君課蠶織。刊諸驗方。解鴉片毒。全活無算。八年李公咨調赴津。委辦北洋通商交涉事務。時西人方通商朝鮮。內訌朝議。駐師其國。爲安內攘外計。署直隸總督張公樹聲。奏以君辦理朝鮮前敵行營事務。至則我軍方壁城外。城內伏匪充斥。無敢徑入。君曰。朝命也。義不得避。遂入師。從之地雷發。仆一騎。君若有神相之者。竟無恙。匪復謀襲王宮。君嚴備。得不遂。事平。詔以道員遇缺題奏。君長才無施。不可。而尤勞於治河。曾文正公督兩江。陳公士杰。張公曜。先後巡撫山左。皆倚任君。君度地勢。順輿情。功不獨居。勞則身任。听昏櫛沐。嚴寒必躬嘗。開河請迂道。避居民冢墓。所全甚多。人呼生佛。利津韓家垣河工。檄君總辦。民忘其苦。黃河自咸豐間。北匯大清河入海。不三十年。海口復淤。上游潰決。頻仍。僉議南徙。復徐淮放道。不可議。北徙循徒駭。舊蹟入海。又不可。乃議別開新口。築長隄。東使趨海。事既。衆人皆難之。君獨任無所諉。張公察君勤勞。奏奉恩旨。交軍機處存記。而君病亟矣。請急就醫揚州。以光緒辛卯九月初四日病卒。距其生道光甲辰三月十六日。得年四十有八。君內行純篤。母太夫人病。殫盡禮。盡衰。視遺物。輒泣。不欲令太公知也。生平前枯後苑。忻戚不形。子弟稍卽華靡。必舉。今昔豐吝。情事反復。陳戒。願。媼。族。濟。孤。癸。貸。粟。散。財。贖。役。不。助。靡。助。不。豐。其。薄。己。而。厚。人。有。足。風。者。適。室。王夫人。筮室高宜人。張宜人。趙宜人。梁宜人。朱宜人。潘宜人。丈夫子十。裕光。國子監生。花翎。五品銜。兩淮東臺場鹽大使。兼理河梁場事。業。劍。籍。金。壇。廩。貢。生。花。翎。補。缺。後。以。知。府。用。廣。東。候。補。同。知。業。鈞。國。子。監。生。花。翎。候。選。同。知。業。銓。附。貢。生。候。選。同。知。先。卒。業。鎮。附。貢。生。分。部。行。走。郎。中。出。後。季。父。毅。先。業。銳。附。貢。生。分。部。行。走。郎。中。業。鏞。業。

銑業鎬業銘。女子子七孫三。詩誠詩敬。詩興孫女四。銘曰。

有蚤成者曰魏君英。姿應。雄湘濱。上爲君親。排難紛。城名兩完。羸。雲男而有仁。際天開。治河橫海。豐其勳。澤淪。骸骨康。留墳奉天命。討民遺。殷祝融。親日俄。斜暉。香嗟。南望夫何云。九幽光品如此文。

陰陽歷新舊七夕賦 以題爲韻 並序

柳橋

賦之源流。都京是啓。後人摹仿。奉若楷模。大半典麗。商皇鋪張。鴻藻效此體者。盛業斯彰。蓋黼黻星雲。貴以兩漢。巨製爲最。而平章風月。尤以六朝小品爲佳。在二體固判殊途。乃萬流終歸一派矣。今擬以陰陽歷新舊七夕爲題。竊謂宮體創自齊梁。每寄慨於花晨月夕。非徐庾之俊逸。不足以繪其神閨。製盛夫炎。漢大著作於研京。鍊都非班馬之健。維不足以寫其景。爰敢仿擬都京。分作新舊七夕二篇。而仍各以小品賦之。其詞曰。

新七夕賦

有陽歷君言於陰歷君曰。吾陽歷有七夕焉。橋方駕鵲。林不鳴禽。女牛河鼓。司馬庭琴。魚鱗秋目。蛾蹙春心。星姿黑慘。雨暈寒沈。花開並蒂。霜冷孤衾。吾子亦願談黃老。而高臥綠陰乎。陰歷君曰。唯唯。陽歷君乃屈指而計曰。女子參政。舉止大方。當夫天地合。顛山川送涼。羅衣乍拭。紈扇輕颺。談革命則慣持玉節。講平權則迭藉銀章。待牽牛兮永夜。喜引鳳兮豔陽。胡爲乎。蕙限孤寒。芳閨空寂。君聽胡笳。妾聞羌笛。雁塞風驚。燕樓雨滴。徒繾綣於

名著

深宵更徘徊乎良觀。海國周流。環球游歷。』若夫青樓進化。朱戶良因。爲齟齬笑。作捧心梨。柘枝舞。汗桃葉歌。塵越女。發謳於下。蔡吳姬。賈笑於中。秦歡承魚藻之密。巢擬燕泥之新。』至於疊舍學生。華門閨秀。讀史讀經。卜夜卜晝。每夕考而朝稽。亦月將而日就。慮瓜分則滿口維新。進果盤則甘心復舊。』則有繡閣情深。畫籠意密。神瞻銀河。髮殷漆室。字相思兮寫徒勞。錦回文兮織未畢。豈人影於秋千。發歌詞於月七。』歌曰。去年形影親。今日霄漢隔。天上喜相逢。人間愁莫釋。謳者未終和者遙。拍答於水濱。若嘲若責。其詞曰。自古重別離。雖悲亦笑。益借問謳者。誰。今夕是何夕。』惆遊子之難歸。感幽懷之如訴。笛未奏而髮深。笛未吹而怨度。杳杳星橋。沈沈煙樹。意緒雙絨。心香一炷。序自蕭夫金風。盤早承夫寶露。吾是以對酒當歌。而所貴。簪毫作賦也。

舊七夕賦

陰歷君。嗟然而笑曰。子第言陽歷有七夕。而豈知陰歷固有七夕乎。吾陰歷之七夕也。神仙契託。兒女情深。懷人如玉。惜諾如金。孫登長嘯。莊鳥短吟。借來長命之縷。穿盡乞巧之鍼。蟾子信古於柳。桁網公技。奏於花陰。』紅顏靚妝。翠袖添香。爲金閨彥。懷粉署郎。每當媚紫湖影。秀森山光。蟻穿珠分九曲。鴛製錦兮七襄。恍天孫之逢張博望。擬織女之遇郭汾陽。』他如榆塞長征。蘭閨慘感。綠水迢遙。絳河疏渺。翻恨郎君。作客多悔。教夫婿封侯。覓春霞。燦渡口之桃。秋雨灑江頭之荻。逢七月。則日日低徊。拜雙星。則年年閱歷。』別有荷亭銷夏。柘館嬉春。懸百寶帳。坐七香輪。惆悵劉郎之浦。纏綿楊子之津。坐鍼樓而遠眺。列粉席以紛陳。長生殿。香吉慶花新。』則見楚艷歌。

衫。吳娘舞袖。俯視山河。仰觀星宿。無睡盡屏。有情玉漏。愁聞絡緯之聲。嫵刺鴛鴦之繡。月帳星房。次第開晨。春夜積吾家舊。所以蘇箴織字而詞成。班姬捐扇而詩逸。薛媛對鏡以圖形。樊素作歌而協律。凡茲皆縠虎才高。雕蟲情溢。和以笙簧。調茲琴瑟。重湖春麗。重三雙蓮。節稱雙七。嗟。嗟。月照山青。星繁河白。迹已茫茫。情徒脈脈。穿樓無鍼。支機有石。挂星槎。至依稀。飲犢人來。咫尺雙星。庭畔墜金梭。百子池頭。合玉液。此皆陰歷之風景。吾子蓋未知其二。只其一矣。胡不同遊。以永今夕。陽歷君乃起而謝教。並爲之歌曰。鱗酒兮相遇。青雲兮得路。登舜山兮東西。願大富貴亦壽考。今動人生之欣慕。陰歷君和之曰。秋水渡旁。渡羅衣。翠煙暮。有花有酒。有笙歌。揚雄且作河東賦。

安亭新建震川書院記

望之

古。術。名。賢。之。生。也。不。數。其。生。而。有。係。於。天。下。後。世。者。一。代。不。得。而。私。之。一。鄉。一。邑。尤。不。得。而。私。之。故。雖。其。足。跡。所。及。釣。遊。所。託。而。風。澤。芳。臭。所。染。恆。可。以。千。百。年。昌。黎。之。於。湖。子。厚。之。於。柳。歐。蘇。二。公。之。於。滌。於。杭。於。穎。仕。官。之。鄉。無。論。已。若。沈。麟。士。之。吳。光。元。次。山。之。漉。水。非。必。老。於。是。鄉。也。而。後。人。祠。祀。之。不。衰。且。嘖。嘖。稱。道。以。爲。榮。豈。惟。文。章。云。爾。哉。而。文。之。至。者。尤。足。繫。人。心。於。無。已。有。明。三。百。年。士。以。科。目。興。者。莫。盛。於。江。左。顧。其。弊。也。人。趨。速。化。學。務。苟。簡。有。不。僅。如。亭。林。顧。氏。所。譏。者。其。翹。然。負。異。者。乃。空。談。性。命。或。競。爲。側。詭。浮。靡。之。文。率。皆。無。可。施。用。歷。觀。前。紀。得。失。之。故。其。人。之。臧。否。大。略。可。知。矣。崑。山。歸。震。川。先。生。生。當。中。葉。惟。時。東。吳。列。郡。不。少。鉅。人。長。德。而。文。學。流。派。大。都。

不越前之所云。先生獨力矯其非窮究經史。甄極悉緯。不爲世俗之學。文則上追子長孟堅。又出入唐宋諸大家。自閩與梁。初不滿於當時。無鄉曲之譽。比及晚歲。遠近學者始爭嚮之。服官日淺。功名未大。顯於朝。然其所爲文章。天下無論識與不識。莫不尊之信之。不啻昌黎子厚之於唐。歐蘇二公之於宋也。安亭蘇崑山東南境。爲先生增鄉。與其可以避世。國王氏世美家焉。課耕伊瀆。異書盤薄。博覽於其際者十有餘年。著有遺跡。閱世以還。所謂陶菴。長壘者。埋沒於榛莽。遺過其閭者。輒歎。歎。弔之。道光六年。里之人請於常道。卽赤烏寺隙地。築室數楹。奉先生粟主。復於其前營建書院。以課附近四邑之士。越二年。撫吳節使安化陶公。督游吳淞。聞先生三吳水利書。悅其論之精當。道經安亭江。以釋菜禮爲先生奠。時書院適當落成。因取王弇山所爲先生像。繪韓歐陽之語。大書而揭之。楣。錫以今名。而命其鄉之人爲文記之。竊惟書院之置。昉於唐。而極盛於宋。至元。元。詔凡先儒過化之地。名賢經行之所。並建書院。以明學者私淑所自。山來舊矣。震川先生文章行誼。方今海內學者。甫事操觚。咸知宗仰。固有明一代之所不得而私安亭片壤。又何敢私之。惟是先生著書之日。在居是鄉時爲多。去其故里。又不越數十里外。至今其鄉之人。崇樵樸而敦禮讓。士多剡秀。而能文章。蓋風澤芳臭之所被者深。又非吳光澗水之所得擬者。昔蘇文忠記韓昌黎廟文。謂公之神在天下。猶水之在地中。無往而不在。然則於是。安先生之靈而衍其教澤。雖一鄉私之。又何啻爲天下後世公之也。矧重以大府之表章。前者宏獎風流。惟恐弗至。哉。小子不敏。無足與於斯文。惟少讀先生之書。里居甚近。書院之建。又略能識其顛末。雖不能文。其奚可以無言。辱大府

之下問。捧筆避席。遂退而爲之記。

歸田瑣記序

書 農

仕。官。而。心。泉。石。者。其。曼。倩。之。所。謂。大。隱。乎。餐。石。髓。搗。芝。麩。蓬。累。而。行。挾。掌。與。使。潤。跡。於。春。廡。附。名。於。枕。流。情。則。逸。矣。非。幹。濟。之。才。垂。纓。纒。拖。青。紫。振。藻。雲。路。剖。符。要。津。已。彰。彰。其。暮。齡。猶。戀。戀。於。華。應。伐。則。洪。矣。非。恬。退。之。操。夫。惟。身。居。魏。闕。之。上。心。依。衡。宇。之。下。如。吾。中。丞。師。者。斯。其。能。兩。全。之。者。與。公。以。十。五。世。之。華。冒。策。四。十。載。之。茂。勳。方。其。珥。筆。木。天。通。籍。金。馬。啓。曲。江。之。譏。被。寶。飾。之。榮。同。列。者。爭。躋。青。雲。競。趨。丹。轂。而。公。甫。綴。鷓。鴒。卽。思。桑。梓。榕。城。有。樓。隱。之。志。梅。塢。多。傳。經。之。彥。枕。肱。六。燕。優。游。十。春。甘。使。鄧。禹。之。笑。人。不。學。顓。孫。之。干。祿。書。是。以。服。公。志。之。澄。旣。而。任。郡。守。歷。藩。牧。莅。官。旬。吳。駐。節。章。貢。綠。湖。潯。而。三。江。稔。金。帶。解。而。二。輔。平。九。遷。可。期。萬。石。奚。讓。而。公。讓。官。之。表。雅。森。叔。子。爲。霖。之。願。無。媿。安。石。驪。駒。三。唱。除。書。在。門。鷺。鷺。一。鳴。大。呂。聽。律。難。進。易。退。古。人。是。期。書。以。是。服。公。才。之。大。旣。而。天。子。尙。顧。桂。管。思。得。蓋。臣。界。之。封。圻。願。以。節。鉞。於。是。五。稔。豕。郡。半。載。肯。臺。勳。宣。道。濟。之。沙。勸。著。伏。波。之。米。綠。士。於。瓠。齋。戰。衝。於。餘。輝。朝。封。李。晟。爲。大。臣。人。呼。杜。詩。以。慈。母。而。乃。扁。舟。載。石。峻。峽。投。香。一。篇。留。醫。墓。之。文。三。徑。種。延。齡。之。菊。書。是。以。服。公。之。勇。於。任。事。而。恬。於。居。官。今。者。井。泉。怡。性。著。述。等。身。爰。於。暇。時。撰。歸。田。瑣。記。八。卷。郵。以。見。示。大。約。仿。唐。人。之。閩。書。沿。宋。稗。之。舊。例。穿。穴。百。氏。陶。鑄。一。家。剛。揚。忠。貞。臚。述。耆。舊。小。亦。足。以。正。汝。長。之。說。補。華。陀。之。書。洵。可。綱。維。世。風。利。澤。羣。衆。已。公。之。經。濟。具。見。一。班。垂。諸。藝。林。嘉。惠。來。學。書。爲。韓。范。之。部。吏。隨。籍。漫。之。後。塵。辱。委。

名著

校袖付之剗。所願名山日富。春風正長。他時撰杖塵間。親接緒論。則是編也。爲客齋之初筆。浣花之紀年也。與

江陵地志問答序

魏羽

荆州於古稱用武之地。自蜀魏吳三分鼎峙。莫不爭割據以稱雄。考其地北距襄陽。東距漢。西距夷陵。南距江。雖平衍沮洳。無峻嶺巖關。以爲阻隘。而可以襟帶上游者。號曰江陵。江陵爲郢故都。灌嬰自江擊楫而共敖滅陸。遜白衣搖櫓而糜芳躓劉毅。劉道規自馬頭襲而桓謙蹙。王鎮惡聲言劉藩上而劉毅敗。李靖以水漲而蕭銑亡。非逆天時。失人和之咎也。而其咎實由於昧地利。夫欲明地利。必先言地理。自古言地理之學者。杜佑通典數言盡之。曰辨區域。徵因革。知要害。察風土。所謂知要害者。在山河形勢而已。則地志尙焉。江邑地志原修於柏鄉魏令尹耀。續修於長沙柳明府正笏。而刪繁就簡。編爲地志問答者。則有今江陵茂才曾子曾子名紀雲。海虞其別號也。系出宗聖之後。爲人強記而便敏。自結繩之代。以及晚清掌故。無不甄錄。陰陽卜筮。占相醫方。氏族山經地志。藝文字書金石圖畫九流百家。天人之書。及至浮圖老子外國之說。皆所詳悉。又通於經世之務。官府簿書。閭閻貨殖。注記惟性所適。而於地志尤三致意焉。凡地志之學。所以通經證史。圖括度準。奠山川之形勢。明建置之沿革。正疆域之離合。視士俗之純漓。詳地輿之廣狹。究古今之殊號。南北爲經。東西爲緯。牝爲川谷。牡爲邱陵。石骨而草毛。土肉而川脈。設獎秀之準。稟險衝之動。靜說關尹自然之柱。識張華相率之軸。問桓公之知。數對墨子之稱。仁職要而不職。詳尙質而不尙文。提綱挈領。部居別白。瞭如指掌。爽若列眉。老嫗見之。而都解童稚。覽之。而

能名士庶因之而格非心官吏以此而修善政夫何患政治之不返純厚而民生之不臻康樂也哉此編是書者之素志亦宰是土者之良規也近者京師編書局所訂初等小學章程於歷史輿地格致三科均就鄉土編課用意至爲精善蓋以幼稚之知識遠求高深之理想勢必枘鑿難入惟鄉土之事爲耳所習閱目所常見雖街談巷議一山一水一木一石平時供兒童之嬉戲者一一指點皆成學問其引人入勝之法無逾此者乃疊奉部文教迫而各省府廳州縣尙付之闕如良可歎也曾子默然傷之特采輯成編以爲小學課本書成旬言於予予遂援筆而爲之書於簡端以旣當世之治鄉土學者

詹湘亭詩集跋

望之

古人以詩名而善吏治者在唐莫著於白在宋莫著於蘇文忠學問文章凌轢古今詩其餘事吏治亦其餘事耳若香山之詩體亦近靡矣而政治之善載在前志者幾若爲文忠樹前軌洵乎執詩不可論人而吏治之善又因乎才得乎閱歷非若詩之直抒性靈也詹大令湘亭少以待名吳下嘗以獻賦邀文綺之賜才聲動海內舊友王君惕甫數爲余稱之余鄉居日少且仕途殊棘與湘亭未一面也年來乞養家居鄉之人又數爲余言湘亭歷官三楚卓有政績憶惕甫言輒爲思之羨之又聞其在官時清淨爲治好作詩如其壯日而湘亭如余疎未嘗以有韻之文寄余唱隨也余故但知湘亭之爲人未知湘亭之所爲詩今春奉諱居廬適有以袁然大集乞序者發緘視之則湘亭詩也以數十年神交之久今得是集頗幸於湘亭窺全豹矣惜乎惕甫久作古人湘亭詩又誰與論

定之哉。余少習詞翰，實未涉詩家之籟。潘今在疚，又不敢知吟詠事。然觀湘亭詩，自妍逸而雄，慕自雄，慕而渾古，駿駿乎已入古人室。誠有如鮑君覺生序所云者。惕甫復生，當無以易其說。又何俟予之謬爲崇飾也。古人一書不兩序，因就余向所神交於湘亭，與湘亭之爲人足傳於詩外者，跋之簡末，以寄湘亭於數十里外。湘亭其引余爲知己否也。

與楊哲子書

汪鳳瀛

汪君原書洋洋數千言，限於篇幅，節其要者，亦時局之一大砭鍼也。閱者不可不細味。 箸超誌

哲子先生足下。近讀報載我公發起籌委會，宏謀遠慮，卓越恆情，令人欽仰不已。論者謂公於改革之際，翊贊共和，表示同意，今忽以民國憲法起草委員之資格而復有更國體之商榷，至有疑公爲揣摩迎合，反覆無常者。不佞則確信公之眞愛國，惟眞愛國故，凡於恆人之所期，期以爲不可者，敢於昌言，而不諱。此眞所謂豪傑之作。用也。然就目前事勢論之，不佞竊以爲不可。何者？中國今日共和二字，僅存國體上之虛名詞。至於開明之專制，則今大總統已厲行之天下，並無非難。又何必突標君主二字，以混淆國聽哉。公等皆甚愛今大總統者也。君子愛人以德，不聞以姑息。今大總統於受任之初，卽已遵約宣誓，且屢次宣言，決不使帝制復活。其言至爲剴切，亦既播諸文告，傳諸報章，爲天下所共見共聞矣。往者勢乃宣，盛倡復辟之說，天下譁然羣起而譏之，以是爲謀叛民國之大罪也。今大總統復嚴申禁令，後再有議及帝制者，罪無赦。誠以今大總統爲民國元首，受人民委託，借

誓且旦爲民國永遠保存此國體禮也義也孔子曰自古皆有死民無信不立果使於今大總統任期以內而竟容君主政體之發見致失大信於天下悖禮傷義動搖國本一不可也民國元年孫黃輩之謀亂卽藉口於今大總統有回復帝制之陰謀全國人民確信今大總統之誓言並無此意故羣目孫黃爲亂賊今忽於大總統任期內而爲大總統親信之人有君主政體之討論是爲孫黃輩實其誣言天下皆將服孫黃輩有先見之明頓長其聲價增其信用是不啻代孫黃洗其謀亂之罪俾死灰得以復燃二不可也吾國旅居各國之僑民不下數千萬莫不醉心歐化以獨裁帝政爲不然前清未造孫黃輩倡言革命華僑傾資相助冀其有成迨民國成立咸欣欣然有喜色相率回心內向一旦見祖國復興帝制是大失數千萬華僑之心理不啻推而出之使爲孫黃之外府隱助以無限之資財三不可也優待條件許清室保存帝號正以民國國體已更無復嫌疑之可慮故聽其襲用尊稱耳假使民國復行帝制則域中斷不容有二帝勢必削清帝之尊號寒滿族之人心且清皇室近居宮禁卽不免偏處之大嫌逸出範圍慮或爲奸人所利用設有僉壬從而間之爲德不卒勢非獲已而予人口實恐天下從此多事矣四不可也近來各省水旱偏災區域至廣哀鴻遍野安集無資而公家以財政奇艱不得不厚增賦稅繁徵苛斂視清末有加咨怨之聲已所難免然每增一稅設一捐地方官擄召士紳商會告以今爲民國國所有事責皆在民擔負雖增譬如自出己財以辦家事彼紳商心雖不願而無說以爲抵拒之資不得不俯首以從今若回復帝政彼習聞帝者私其國爲一家之產則觀念頓易此後再欲增重人民擔負私怨有所歸矣怨憤

不。平。之。氣。鬱。結。於。中。如。積。薪。之。蘊。火。遇。有。梟。桀。鼓。而。煽。之。則。一。發。不。可。覆。遏。藉。燎。原。之。勢。揚。伐。叛。之。名。荼。毒。生。靈。靡。知。所。屆。明。季。饑。民。迫。為。流。寇。卒。亡。其。國。可。為。殷。鑒。即使。重。煩。兵。力。幸。而。得。平。而。以。私。天。下。之。故。殘。殺。同。胞。至。無。算。數。天。道。好。生。必。有。尸。其。咎。者。矣。五。不。可。也。今日。在。朝。諸。彥。罔。非。清。室。遺。臣。正。以。國。為。民。國。出。而。為。國。服。務。初。無。更。事。二。姓。之。嫌。屈。節。稱。臣。之。病。故。一。經。勸。駕。相。率。來。歸。耳。設。改。為。君。主。政。體。稍。知。自。愛。者。名。節。所。關。天。良。難。味。勢。必。潔。身。引。退。相。與。遜。荒。其。留。而。不。去。者。貪。榮。嗜。利。寡。廉。鮮。恥。之。徒。必。居。多。數。此。曹。心。理。視。仕。宦。為。投。機。事。業。勢。盛。則。爭。先。推。戴。勢。衰。則。出。力。擠。排。彼。且。不。愛。其。身。尚。何。愛。於。國。更。何。愛。於。君。使。當。國。者。但。與。此。輩。為。緣。共。圖。治。理。不。獨。艾。安。無。望。抑。且。危。險。實。多。六。不。可。也。中國。積。弱。對。外。無。絲。毫。能。力。入。民。國。後。軍。隊。增。多。於。前。而。上。次。日。本。對。我。破。壞。中。立。橫。肆。要。求。我。惟。屏。息。吞。聲。不。敢。稍。與。抵。抗。情。見。勢。拙。無。可。諱。言。今。我。忽。無。事。自。揆。謀。更。國。體。際。此。歐。戰。相。持。愛。我。者。或。不。遑。東。顧。而。急。我。者。則。虎。視。眈。眈。惟。恐。我。國。之。晏。安。無。事。不。先。與。謀。事。必。無。幸。苟。欲。求。其。同。意。非。以。重。大。權。利。相。酬。足。壓。彼。欲。殆。不。可。得。無。端。大。損。中。國。以。厚。利。外。人。而。謂。中。國。人。民。對。於。此。等。行。為。果。皆。翕。然。意。滿。乎。即。不。出。此。彼。或。以。國。體。相。同。之。故。佯。與。贊。成。觀。望。而。動。但。使。我。於。國。體。變。更。之。際。地。方。稍。有。不。靖。後。乃。藉。詞。干。涉。別。有。所。挾。以。兵。力。臨。我。人。心。向。背。正。未。可。知。公。等。當。此。將。何。以。為。計。乎。七。不。可。也。以上。數。端。皆。實。行。後。必。不。可。免。之。事。實。召。亂。速。禍。誰。為。厲。階。心。所。謂。危。不。敢。不。告。若。公。等。必。謂。君。主。世。襲。可。免。非。分。之。覬。覦。競。爭。之。劇。烈。則。請。取。千。寶。晉。史。論。及。六。朝。五。代。之。歷。史。博。觀。而。詳。究。之。愛。危。之。言。不。知。所。擇。幸。垂。諒。焉。

答沈去矜書

書 農

人非太上。豈翳無情。善寫哀衷。尤俟長筆。僕本恨人。時逢嶺嶺。况生江左。滋習佳麗。西陵松柏。無非紉感之枝。鏡
唐煙月。都屬有情之壤。雖復江山助興。頗謝湘雲。而傷心物色。在昔自許久矣。至如作苒冬春。契闊生死。每用感
溺。尤懷眷戀。載觀古昔。醜陵摘寶。燭之詞。河陽發傷。尊之句。哀蟬落葉。愴羅裙之無聲。涼月秋蟲。悵麗旌之半斷。
未嘗不覆卷三歎。低徊久之。揮涕浪浪。代其雷賦。何則。音形可存。而輪迴或妄。擊難覓而舜華終謝。豈圖今日。
忽遭茲患。在人且然。在己如之。何第恨口乏微詞。才非絕妙。賦銷視而罔達。美要眇。其何及。幸賴足下發落。愴愴。
之思。披哀艷之曲。精靈仿佛。形容慘澹。采珠拾羽。陳王奪其怨情。卬節朱絲。蘭陵滅其芳澤。抽思繭緒。獨擅長篇。
聘妙蠲書。尤工險韻。昔者晉陵傷妾。陰武威因而屬和。近視徐娘。夙殞。陳給事爲之悼亡。夫詞在己。而難詳。痛因
人而易。劇一吟。擘股之詠。便掩濟瀕之淚。九原不朽。端藉成書。三泉有知。定應崩角。嗟乎。曩非吳興。沈約雅善。纏
綿。何能題愁。繪慕俳。愉快如是耶。但鴻裁之高。腕掩七襄。伏覽中間。非無楚叩。願遊者久。慚徐淑。貌類孟光。四
德。惟解縫鍼。中廚粗能理榻。笑成斷齒。絕恨梁。壽羣學反。腰都。嗤荆玉一篇之中。比擬過當。微乖實錄。略似外篇。
意者。詠平孫者。固以揚彼穠矣。誦莊姜者。亦自矜其巧笑。風人之義。或如此乎。涇渭之間。靡濫而已。方今玉露奄
零。金飈既颯。秋士多悲。勞人易感。悲夫。如僕者。亦既歌琪樹。望非邪。返匣鏡。憐機網。能不撫景結眉。愁來橫集。波
菱引照。將驚青鬢之霜。髮能傷人。恐促黃髮之歲。倘得足下風流未沫。綺麗難忘。更有樂方之起。予冀聽嗣音之。

奏雅則庶幾乎一丸消塊比德於王喬七發豁然參功於枚叔舉無精妙語過酸瑟恃惠子之知我諒免未昧之譏焉。

與友人書

血俠

辱賜書未遑箋覆祇緣賦性疏懶重以溽暑薰逼賤軀微恙炎炎赤丸伴我藥爐寂寂青鏡相對茶鼎職是不克握管敬候起居婉仄之忱良荷宥許僕以無賴之身闖山跋涉長征策馬羈苦何如閣下芳草江南優遊娛賞臨風緬眷艷羨無已伏維眠食無恙爲忭爲頌頃聞友云君性溺槃龍訣精五木孤注一擲不吝千錠惜哉君負匡世奇才所謂斬長鯨之鱗而截飛虎之翼者也奈何不爲百工之用惟從事於嬉戲豈因憤世憂時聊假爲遺愁計耶雖然偶爲之無傷大德若終日沉湎其中不第耗財廢業恐爲世所詬也矧時局阡危國勢陵夷挽救狂瀾端賴吾曹則警惕自勵之不暇奚能分於無益之博蒲乎閣下儻以管見爲可取則賈勇奮改前雪往過以前種種昨日死以後種種今日生固猶不失爲君子也唯君熟圖之舊雨某君英雋倜儻俊爽不羣風月杜牧絲竹謝安喻之某君洵無慚色風聞與姑蘇某女士情意纏綿夢魂縈眷將有愛河波濤洶湧澎湃不可抑遏之勢又如莫邪利鋒可洞百甲而不能斬一縷情絲之概鍾情亦云深矣僕曾去書幾度規諫其失無奈忠言逆耳不特置若罔聞反縱恣愈增沸度於虛旁觀者洞若觀火其於個中人竟迷離倘恍如漏舟入旋渦恐左右不能擺脫矣念某與君誼屬葦葭盍乘機晉辭善言諷勸俾早航孽海脫離情關皆君之惠也愿君荷其責勿辭假內本概

旋里嗣以路長期短故南行不果至於燭剪西窗重理舊情酌盈北海暢叙新懷祇能期諸明年矣此間舍字空
朗足道盛暑一切甚善毋勞錦注日者炎帝肆威病魔易乘更盼健軀珍衛安眠加餐引首南雲遇其有極時因
惠風敬布數行血俠環甲不拜

籌安亡國論

箸 超

鄙人不以荒談國是與天下人相見者三年今又不能已於言矣恢復帝制之說鄙人習聞之且積極反對之即
國人亦公同反對之毫無斥駁之價值鄙人之所以不能已於言者則以籌安會之論潮起湧潯惑國聽忽而倡
言帝制忽而加入立憲忽而議及世襲制忽而轉入繼承問題變幻離奇不可捉摸爲國家歟爲總統歟其爲國
家也胡不於辛亥改造之時熟籌而主張之又胡不於癸丑構兵之後毅然而倡言之鄙人習聞籌安發起人之
對人言曰翊贊共和也又習聞籌安發起人之斥海外黨曰破壞共和也必待大勢已定人心望治之日而始標
此撥草尋蛇之政策意者人所不能破壞者而我破壞之籌安發起人固足以自雄乎抑差解共和二字爲海外
黨私編之國體引以爲國家之嫌必刻其根本而後快乎若然則今日籌安會之宣言中華民國大總統永不變
更又何爲者如以經明眼人一言道破謂各國之共同承認者爲民國不得不將就而仍之是欺天下也海外黨
假共和名義動言革命以與國家之根本爲難鄙人迷信民主者猶期期以爲不可今籌安發起人之所倡言者
非革命而何其相差者僅有形與無形之間籌安會之術誠巧矣要知國家受有形之損失滋補易受無形之損

失滋補難吾誠不解若輩之用意也其爲總統也無論先後誓言大總統之示信於人昭昭猶在耳目前此宋育仁勞乃宜輩倡言復辟大總統一威之下卽進而治之今惑於籌安發起人之言不妨輕爲嘗試試問大總統何薄於宋育仁而厚於楊哲子輩詎所不甘者只爲尙廷耶大總統本三朝股肱是若輩又將陷之於不義也其猶不堪者則爲訓政之說大總統卽不願爲周文王豈亦將以菟裘老乎疑者南海先生倡議保皇以極宜準則之帝而黨之識者猶嫌爲反叛今以神聖聰明之大總統而突現出一皇帝之公子豈若輩固不諱言離間父子耶鄙人於此却有極當之忠告大總統爲國爲民天神亦愛戴之如其不然爲衆怨所叢祖宗之血食非公于輩所能擔負可以止則止此其時矣若輩卽不爲國家計獨不爲大總統計耶籌安發起人皆躍躍欲試久不得機要誠大不幸事然有爲亦千途萬徑必假此爲封王封侯地步吾料若輩必須有一夾帶之皇帝而後可苟不爾則漢家三楚將以背相示人也鄙人無與天下事所以引爲杞憂者厥有兩端其一仕途之惡濁甚矣自戊戌變政而後朝令暮改致倖進者日多而仕氣以黨辛亥癸丑兩次變動故吏不可揜新才不可棄手版脚靴攀援門戶者充斥於旅驛大抵此輩之心理如行劫者之望火然已不得風吹草動打喪叫喜今大局將更萬頭攢動稍知廉恥者則潔然引去其昏莽而來者必爲寡廉鮮恥攬權情勢之徒蠹國病民遺患靡底鄙人試懸一預言如某要人者既倡言帝制則新譴之張岱杉有不彈冠相慶哉國家之敗由官邪官邪由於大局之紛擾此最不可者也其二中國之運命能奄奄於一息者統一爲之也中國之統一能收效於旦夕者共和爲之也不然滿清鼎革

之。際。有。王。霸。思。想。者。不。知。若。干。人。早。陷。於。潰。敗。之。一。局。矣。夫。以。共。和。而。收。統。一。之。效。卽。以。非。共。和。而。兆。割。據。之。禍。籌。安。者。縱。深。謀。遠。慮。不。肯。草。草。爲。之。必。得。各。省。各。界。之。同。意。電。而。后。成。立。又。安。知。覆。電。之。贊。同。者。明。知。無。反。對。之。必。要。不。將。姑。以。糖。餌。誑。小。兒。也。南。北。五。代。之。禍。將。復。見。於。今。日。譬。之。一。瓜。不。勞。食。者。一。割。而。任。其。取。擄。之。雖。不。亡。不。遠。矣。此。大。不。可。者。也。草。野。之。見。不。上。朝。廷。吾。爲。此。懼。未。能。默。而。頤。愛。習。家。與。愛。大。總。統。者。三。復。斯。言。



筆匠史

賀發。玉楮集。試廬陵賀發竹絲筆詩。此君素以直節名。延風揖月。標韻清。何人心匠出天巧。縷析毫分勻且輕。居然束縛復其始。卽墨紆朱封管城。世門官爵豈必計。且幸一家同汗青。

馮應科。吳興馮筆。至與子昂舜舉。擅名三絕。吳澄謝馮筆詩。坡公詫葛吳。蔡澡朱所襲。邇來浙西馮。聲實相朋曹。仇遠詩。精藝惟數馮應科。

張進中。字子正。淇上王仲謀。上黨宋齊彥。吳興趙子昂。皆與之游。以一筆工而數。得持筆入禁中。見元王士熙張進中墓表。王惲有贈進中詩。見秋澗集。

三
去丸
木木

刻
史

藝林目錄

詩

康南海

枚道子

蟄老

寄禪

恫百

古香

天嬰

君木

慘佛

敲農

目錄

二首

三首

一首

二首

三首

三首

一首

五首

五首

四首

悔復

粹宇

起予

幽客

南村

老禪

寄芳

太瘦生

昂孫

箸超

八首

一首

四首

二首

六首

一首

三首

二首

一首

二首

民 機 素 第 十 集

詞

目 錄

枚道子

笑生

古香

韋廬

二首

二首

一首

一首

孟劬

起予

南邨

箬超

二首

一首

一首

二首



藝林

詩

丁酉元夕前臺灣總督唐薇卿中丞夜宴觀劇出除夕詩見示卽席
次韻奉和

康南海

妙音歷畫幾多春。往返人天等一塵。偶轉金輪開世界。更無淨土著天親。黑風飲海都成夢。紅袖題詩更有神。誰識看花皆是淚。雄心豈忍白他人。

羽衣雲披想蓬萊。無礙天風引去來。種菜英雄看老大。念奴歌舞費新裁。起居人座猶將母。壇席千秋起異才。絲竹東山賓客盛。不妨顧曲笑顏開。

行路難

枚道子

我欲上天。天無梯。我欲入海。煙波迷。山魃魍。今林狐狸。滿目荆棘。難辨南北。與東西。壯士悲歌立兩鬢。擲劍向空。星斗晨。出門欲行。更不得。舉頭常望白雲峻。颯馬高車。長安道。五陵少年。春風好。君獨何為。踽踽在歧途。青衫落拓。形容稿。美人在西方。濟河無津梁。舉杯不能飲。寸心抑塞。欲斷腸。嗚呼。安得夸娥二子。快手搗入山。平險道。涉水挽狂瀾。荆叢一洗天地寬。行路難。涕瑤瑤。

枕上口占

藝林

集 十 第 素 機 民

藝 林

二

銅漏滴殘更。秋蟲四壁鳴。燈光近帳白。人語隔溪清。犬吠破詩夢。鶉啼知月明。吟肩寒欲聳。無復睡思生。

自笑

憤時不樂出山林。讀史難禁淚滿襟。半榻青峯容傲骨。一湖秋水洗塵心。夜貪月色常遲睡。山有詩僧輒遠尋。堪背向花一回笑。笑君非古亦非今。

登千佛山

螯 老

提壺同上翠微游。暑氣秋中尚未收。到眼齊煙還九點。驚心華嶺已三周。儘多名士終何用。差笑愚公欠自謀。莫倚危岑太遠望。箕封新沒海東頭。

感事示布雷

寄 禪

忽報蜀中亂。遙徵海上兵。幽花含露泣。落木感秋聲。學道情難遣。衰時淚易生。迷津喚不醒。請作布雷鳴。

贈伯巖

一別長沙碧浪湖。西風兩鬢各蕭疏。江山所遇非故物。歲月相爭成老夫。身外浮雲隨世變。鏡前明月照心孤。他年肯入蓮花社。不待攢眉酒可沽。

秋夜宿僧舍三首

恫 百

借宿來僧院。禪機觸處通。鐘聲人靜後。塔影月明中。窗竹發清籟。石松生古風。心澄潭水白。萬慮喜都空。